

Vuk'uzenzele

Niyethulelwa WuPhiko lukaHulumeni Kwezokuxhumana Nokudluliswa Kolwazi (i-GCIS)

English/isiZulu

Mfumfu 2022 Ushicilelo 1

Ukulungiswa kuka-N3 kuthuthukisa abantu baseNingizimu Afrika



Ukulungiswa komgwaqo onguthelawayeka u-N3 phakathi koMgungundlovu naseThekwini kwaqala ngoMsingana.

Isithombe ngabakwa-Sanral

Owen Mngadi

Umduduzi Jijana ungumnikazi we-Disability Empowerment Movement, okungenye yezinkampani njengamanje ezizuka kwizigidigidi ezingama-R26 zokulungisa umgwaqo onguthelawayeka u-N3 phakathi koMgungundlovu neTheku KwaZulu-Natali. Umklamo lo, oqhutshwa phambili yi-

South African National Road Agency SOC Limited (i-Sanral), uqinisekisa ukuthi osomabhizinisi abafana noJijana abazuzi nje kuphela kodwa nabo basungula amathuba emisebenzi kwabanye abantu.

UJijana, ophila nokukhubazeka, uthi inkampani yakhe ifaka izimpawu zomgwaqo phakathi kwase-Hilton ukuya eMgungundlovu.

Uqashe abantu abayi-13 futhi uthi

umklamo lo ushintshe izimpilo zabo. "Njengabantu abaphila nokukhubazeka, sesikubonisile ukuthi sinekhono. Asisathembeli nje kwizibonelelo. Siyazenzela umsebenzi," kusho uJijana.

UMphathi Womsebenzi waku-N3 e-Sanral u-Tshepo Matekane uthi inkampani yakhe ikuqinisekisele ukuthi ama-30% omsebenzi unikezwa izinkampani zendawo ezinekhono zokuhluzeka ngezinsizakalo ezehlukahlukene. Lokhu kuvule amathuba amaningi emabhizinisini amancane aphethwe intsha, abantu abebengatholi amathuba phambilini nabesifazane.

"Kunamabhizinisi ayi-108 amancane, aphakathi namancanyane njengamanje asebenza kwimiklamo eyahlukahlukene," kusho yena.

UNokuthula Zondi we-Ingqalabutho Yamalinda Multipurpose Trading waklonyeliswa ngenkontileka yokuhluzeka ngenhlabathi kanye nokufakwa kwamapayipi amanzi.

Uthe inkampani yakhe iqashe abasebenzi abanekhono abayisishi-

yagalombili, okubalwa nabashayeli. UZondi wengeze ngokuthi abesifazane banekhono njengamadoda futhi inkampani yakhe isizenzele igama elihle.

"Siyakuqonda ukubaluleka kwesikhathi nokuhlangabezana nezinhloso zethu sonke ukuqinisekisa ukuthi umsebenzi uhamba ngendlela efanele. Sibonga ithuba futhi sethamba ukuthi amaningi asazoza ukuze inkampani yethu izokwazi ukukhula ngokwamazinga ezokwakha," engeza.

Imiklamo ephambili kaHulumeni kuzwelonke

U-Matekane uthe i-Durban-Free State-Gauteng Logistics kanye nokuthuthukiswa kwe-Industrial Corridor kunesabelomali esilinganiselwa kwizigidigidi ezingama-R26 futhi ingeminye yemiklamo ephambili kahulumeni kazwelonke. Waziwa ngokuthi i-SIP2.

Lo mklamo uzovula u-N3 ngeminye imizila ohlangothini ngalunye. Ubuye ubandakanye ukushintshwa kwezinye izanhlukanamgwaqo ezinkulu ukwenza ngcono ukuhamba kwezimoto.

Ingxenywe ethintekayo ku-N3 eminyakeni eyedlule ibibhekene nesiminyaminyama sezimoto, ikakhulukazi ngezikhathi zamahora amatasatasa ngenxa yokuthi iningi lamaloli athwala impahla asuka ezibukweni laseThekwini asebenzisa umgwaqo onguthelawayeka oya e-Gauteng

Iqhubeka ekhasini lesi-2

Grandchicks thriving in poultry

Page 6

HLALAY UPHEPHILE

GOMA UKUZE USINDISE ININGIZIMU AFRIKA

NGOKUBAMBISANA SINGALINQOBA IGCIWANE LE-CORONA

Saving lives is all in a day's work for paramedic

Page 7

2030 NDP

Ukuze ufunde iVuk'uzenzele thola i-GOVAPP ku:

Available on the App Store

Bheka u-SA Government ku-Google playstore noma ku-appstore

UNGASITHINTA LAPHA

f Vuk'uzenzele @VukuzenzeleNews

Iwebhusayithi: www.gcis.gov.za I-imeyili: vukuzenzele@gcis.gov.za

www.vukuzenzele.gov.za Ucingo: (+27) 12 473 0303

Tshedimosekiso House:
1035 cnr Frances Baard and Festival streets, Hatfield, Pretoria, 0083

Isuka ekhasini loku-1

kanye nezinye izifundazwe eziphakathi nezwe. Kube khona futhi inani lezingozi eziningana ezidalwe ngabashayeli bamaloli athwele impahla ngokuthi banganaki emajikeni.

“Ngaphandle nje kokuba yisisombululo sesiminyaminyama sezimoto, ukuvula isikhala esikhulu sokuhamba kwezimoto ngokwengeza imizila emgwaqeni, ukulungiswa kuka-N3 kuzohlele emgwaqeni ophephile. Amajika ayingozi azovulwa. Izimpambanomgwaqo ezingaphephile zizoklanywa kabusha,” kusho u-Matekane.

I-Sanral yakhipha izinkontileka ezintathu kwikota yokugcina ngowezi-2021, futhi umsebenzi wokwakha waqalwa phakathi kuka-Masingana kanye noMbaso. Izingxenywe ezilungiswayo njengamanje ibanga elingamakhilomitha (km) ayi-19



UMduduzi Jijana noNokuthula Zondi abangosomabhizinisi abathole umsebenzi ngenxa yokulungiswa komgwaqo u-N3.



kusuka e-Cato Ridge ukuya e-Dardanelles, eyaziwa ngokuthi i-Umlaas Road; ingxenywe engama-26.6 km ukusuka e-Dardanelles Interchange kuya e-Lynnfield Park; kanye nebanga elingama-30 km kusuka e-Lynnfield Park ukuya e-Ashburton Interchange.

U-Matekane uchaze ukuthi i-SIP2 izoqinisa ezokuthuthwa kwempahla kanye nomgudu wezokuthutha phakathi kwezizinda ezinkulu zezimboni eNingizimu Afrika, yenze ngcono

ukufinyelela esikhungweni sokukhishwa nokungeniswa kwempahla eThekwini futhi kukhuphule izinga lokusebenza ngendlela efanele kulo mgudu.

Wengeze ngokuthi umklamo uyingxenywe yoHlelo Lwentuthuko Kazwelonke lwangowezi-2030 kanye noHlelo Olukhulu Lwezokuthutha Kuzwelonke lwangowezi-2050 futhi lweseka uHlelo Lukahulumeni Lokwakha Kabusha Nokuvuselelwa Komnotho. Kuze kube manje, uhulumeni uhlose ukusungula

uhlelo-kusebenza olungaguquki ezidingweni zangempela zabantu abahlala eNingizimu Afrika futhi olubhekelela abantu abanemali encane abayikhokhela ukuhamba.

U-Matekane uthi lokhu kulungiswa komgwaqo kuzothatha phakathi kweminyaka eyisishiyagalombili kuya kweyishumi futhi ukuvalwa komgwaqo kuzoncishiswa kakhulu. Wengeze ngokuthi abashayeli bazokwaziswa ngokubambezela emgwaqeni futhi izikhulu zomgwaqo

zaKwaZulu-Natali zizosiza ukugcina ukulawulwa kokuhamba kwezimoto.

I-Sanral inxusa abashayeli ukuthi bathobele zonke izimpawu zomgwaqo ezexwayisayo, bancephise isivini uma besondela endaweni okwakhiwa kuyona futhi bacabangelane nabanye abasebenzisa umgwaqo. **U**

Iqiniso

INyanga Yezokuthutha ibungazwa ngoMfumfu. Kule nyanga, uMnyango Wezokuthutha kanye nezinhlela zawo, ezifana ne-Sanral, zizogqamisa imiklamo yazo kanye nezinhlelo emkhakheni wezokuthutha, wezasolwandle, ezokuthuthwa komphakathi kanye nemigwaqo.

Utshwala bungalimaza impilo yomntwana wakho ongakazalwa

Abesifazane abazethwele banesibopho sokungaphuzi utshwala ngoba utshwala bungadala isifo esingathunaza ukukhula komntwana. Ngokusho kwePhini likaNgqongqoshe Wezokuthuthakazi Komphakathi, u-Hendrietta Bogopane-Zulu, kamuva-nje osanda kwethula uhlelo lokubhekana nesifo se-9-9-9 *Foetal Alcohol Spectrum Disorder* (i-FASD).

Inhloso yaloluhlelo ukugqaguzela imiphakathi ukuthi isize ekuphephiseni abantwana abangakazalwa ngokufundisa abantu, ikakhulukazi abesifazane asebesizingeni leminyaka yokukhulelwa, ngobungozi bokuphuza utshwala uze thwele noma uncelisa.

“Kubalulekile ukuthi bonke abantu besifazane abazethwele kanye nalabo abafisa

ukubeletha abantwana abanempilo bagweme utshwala. Umonakalo odalwa yi-FASD awupheli futhi awubuyeli emuva, futhi abantwana abazalwe nalesi simo banezinkinga ngokwesiqu sabo kanye nengqondo,” kusho iPhini likaNgqongqoshe u-Bogopane-Zulu ngesikhathi kwethulwa lolu hlelo.

Wengeze ngokuthi iNingizimu Afrika yaziwa kakhulu ngokuthi inenkinga yokuphuza, iyizwe elibalwa nasesimweni esibi kakhulu ngamazanga ayo okuphuzwa kotshwala.

IPhini likaNgqongqoshe u-Bogopane-Zulu kamuva nje uvakashele izingxenywe ezehlukene zezwe, efundisa abesifazane ngobungozi bokuphuza utshwala usazethwele njengengxenywe yomkhankaso we-9-9-9 FASD.



Ngesikhathi ese-Boitekong e-Rustenburg eNyakatho Ntshonalanga, utshwele izakhamuzi ukuthi amazanga okuphuza utshwala ngokweqile emalokishini ayathusa.

Owesifazane onezinyanga ezine ezethwele futhi oyisakhamuzi sase-Boitekong, u-Basetsana Tlalang (28), ohambele eminye yemikhankaso, uthwele wayeka ukuphuza utshwala unomphela emva kokuthola ukuthi uzethwele futhi

wathi usehamba izifundo ezifundisa ngokukhulelwa emtholampilo. Unxuse abanye besifazane abazethwele ukuthi bayeke khona manje ukuphuza utshwala nokubhema izidakamizwa. IPhini likaNgqongqoshe lixwayise ngokuthi izifo ezihlobene notshwala azilapheki – indlela ekuyiyona yodwa yokuzinqanda ngokugwema iziphuzo ezinotshwala ngesikhathi besazithwele. Ugqagquzele abesifazane abazethwele ababhekene

nobunzima bokungakwazi ukuzithiba otshwaleni ukuthi bavakashele imitholampilo eseduze nabo ukuze bezothola usizo.

Ingabe bewazi?

Ezinye zezimpawu ze-foetal alcohol syndrome ebantwaneni zibandakanya:

- Ubuso obungajwayelekile
- Ukufunda kanzima
- Ukungakwazi ukusombulula inkinga, ukuxhumana izinto kanye nokudlala nabanye abantwana
- Ukuba nenkani
- Ukungakwazi ukuziphatha
- Ukuhluleka ukugxilisa ingqondo



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production

Regomoditswe Mavimbela
Regomoditswe@gcis.gov.za

Acting Editor-in-Chief

Zanele Mngadi | Zanelemngadi@gcis.gov.za

Acting Managing Editor

Tendai Gonese | tendai@gcis.gov.za

News Editor

Noluthando Motswai

Writers: More Matshediso
Ursula Graaff

Graphic Designers

Tendai Gonese | Benny Kubjana

Production Assistants

Jauhara Khan | Sebastian Palmer

Language Practitioners

Nomgcibelo Motha | Boitumelo Phalitse
Thandolunye Khulu | Mahanyele Ramapala



Vuk'uzenzele
is published by Government
Communications (GCIS)

Distributed by:
ON THE DOT

Printed by:
RISING SUN PRINTERS
For laboratory service

The material in this publication may be reproduced, distributed, or transmitted in any form or by any means, including photocopying, recording, or other electronic or mechanical methods, without the prior permission of the publisher on condition that this publication shall be credited as the source.

